



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՆԱԲԶՊԵՏ

Ո Ր Ո Շ ՈՒ Մ

2026 թվականի հուլիսի 23-ի թիվ 371 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶՊԵՏԻՆ ԱՌԸՆԹԵՐ ԵՐԻՏԱՍԱՐԴԱԿԱՆ ԽՈՐՀՐԴԻ ԱՆՀԱՏԱԿԱՆ ԿԱԶՄԸ, ԿԱՆՈՆԱԴՐՈՒԹՅՈՒՆԸ ՆՈՐ ԽՄԲԱԳՐՈՒԹՅԱՄԲ ՀԱՍՏԱՏԵԼՈՒ ԵՎ ՀՀ ԱՐԱԳԱԾՈՏՆԻ ՄԱՐԶՊԵՏԻ 2014 ԹՎԱԿԱՆԻ ՓԵՏՐՎԱՐԻ 20-Ի N 17-Ա, 2019 ԹՎԱԿԱՆԻ ԴԵԿՏԵՄԲԵՐԻ 12-Ի N 127 ՈՐՈՇՈՒՄՆԵՐՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» ՀՀ օրենքի 34-րդ հոդվածի 1-ին, 2-րդ, 4-րդ մասերով, 37-րդ հոդվածի 1-ին, 2-րդ մասերով, «Կառավարչական իրավահարաբերությունների կարգավորման մասին» ՀՀ օրենքի 16-րդ հոդվածի 11-րդ մասի 7-րդ կետով, Հայաստանի Հանրապետության վարչապետի 2022 թվականի դեկտեմբերի 29-ի N 1550-Լ որոշմամբ հաստատված 1-ին հավելվածի 20-րդ կետով և հիմք ընդունելով Հայաստանի Հանրապետության վարչապետի 2014 թվականի փետրվարի 10-ի N 85-Ա որոշման պահանջները,

ՈՐՈՇՈՒՄ ԵՄ՝

1. Հաստատել՝ Հայաստանի Հանրապետության Արագածոտնի մարզպետին առընթեր երիտասարդական խորհրդի անհատական կազմը երկու տարի ժամկետով՝ համաձայն N 1 հավելվածի.
2. Հաստատել՝ «Հայաստանի Հանրապետության Արագածոտնի մարզպետին առընթեր երիտասարդական խորհրդի» կանոնադրությունը նոր խմբագրությամբ՝ համաձայն N 2 հավելվածի.
3. Ուժը կորցրած ճանաչել ՀՀ Արագածոտնի մարզպետի 2014 թվականի փետրվարի 20-ի N 17-Ա որոշումը.
4. Ուժը կորցրած ճանաչել ՀՀ Արագածոտնի մարզպետի 2019 թվականի դեկտեմբերի 12-ի N 127 որոշումը.
5. Սույն որոշումն ուժի մեջ է մտնում հրապարակմանը հաջորդող օրվանից: Պարտականությունները կատարող՝

 Recoverable Signature

Ստորագրող
ՄԻԼԱԴԱ ՀՈՎՀԱՆՆԻՍՅԱՆ
6914980608

X

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶՊԵՏԻ
ՍԻՆԴԻԿԱԿԱՆ ԿԱՐԳԱՎՈՐՈՒՄԻ ՆՈՐ ԽՄԲԱԳՐՈՒԹՅԱՆ ՄԱՐԶՊԵՏԻ

Signed by: HOVHANNISYAN MILADA 6914980608 Մ. ՀՈՎՀԱՆՆԻՍՅԱՆ

2026թ. հուլիսի
ք. Աշտարակ



Հավելված N 1

ՀՀ Արագածոտնի մարզպետի 2026թ.

հուլիսի 23-ի N 311-15 որոշման

ՀՀ ԱՐԱԳԱԾՈՏՆԻ ՄԱՐԶՊԵՏԻՆ ԱՌԸՆԹԵՐ
ԵՐԻՏԱՍԱՐԴԱԿԱՆ ԽՈՐՀՐԴԻ ԿԱԶՄ

ԱՆՈՒՆ, ԱԶԳԱՆՈՒՆ	ՀԱՄԱՅՆՔ /ՎԱՐՉԱԿԱՆ ՇՐՋԱՆ/	ԾՆՆԴՅԱՆ ԹԻՎ	ՀԵՌԱԽՈՍԱՀԱՄԱՐ
Սերգեյ Մովսիսյան	Աշտարակ ՀՀ Արագածոտնի մարզպետ /խորհրդի նախագահ/	1989 թ.	093 57-86-56
Դավիթ Աբրահամյան	Ծաղկահովիտ /խորհրդի քարտուղար/	2010 թ.	093 51-15-86
Շանթ Վահանյան	Աշտարակ	1989 թ.	093 10-08-12
Լիանա Կարապետյան	Աշտարակ	1997 թ.	094 63-07-70
Լաուրա Մնացականյան	Աշտարակ	2007 թ.	093 99-22-78

Սոնա Ամատունի	Աշտարակ	2007 թ.	093 73-38-83
Լուսինե Աբրահամյան	Աշտարակ	2005 թ.	093 89-72-55
Միլենա Վարդանյան	Աշտարակ	2006 թ.	077 07-23-66
Հրայր Մկրտչյան	Ապարան	1974 թ.	055 05-00-02
Մարիամ Գևորգյան	Ապարան	2001 թ.	094 52-42-08
Սվետա Դիլանյան	Ապարան/ Շենավան	2010 թ.	044 93-66-00
Էլեն Գրիգորյան	Ապարան/ Ծաղկաշեն	2009 թ.	077 33-53-71
Արսեն Գրիգորյան	Ապարան / Քուչակ	2010 թ.	094 01-74-72
Հեղինե Հովհաննիսյան	Ապարան / Նիգավան	2002 թ.	098 99-81-07
Սպարտակ Ավետիսյան	Թալին	1999 թ.	093 17-51-52
Ռազմիկ Ղազարյան	Թալին	1995 թ.	093 88-86-18
Սարգիս Խաչատրյան	Թալին	1994 թ.	095 23-26-24
Արամե Գասպարյան	Թալին	2008 թ.	093 72-99-68
Գևորգ Սահակյան	Թալին	2008 թ.	093 25-10-72

Հերմինե Գալոյան	Թալին	1998 թ.	094 97-00-75
Վազիր Ավդալյան	Ալազյազ	1957 թ.	093 36-02-19
Տիտալ Մախմուդով	Ալազյազ	2006 թ.	094 80-74-12
Քյարամ Շարոյան	Շամիրամ	1951 թ.	093 25-84-00
Զարուհի Հարությունյան	Շամիրամ	1994 թ.	077 77-94-62
Արա Հովհաննիսյան	Ծաղկահովիտ	1969 թ.	093 67-27-81
Էլյա Մուրադյան	Մեծաձոր	1999 թ.	093 23-48-96
Հերմինե Ներսիսյան	Մեծաձոր	1980 թ.	093 12-80-13

ՀՀ ԱՐԱԳԱԾՈՏՆԻ ՄԱՐԶՊԵՏԻ ԱՇԽԱՏԱԿԱԶՄԻ
ԳԼԽԱՎՈՐ ՔԱՐՏՈՒՂԱՐ՝

 Recoverable Signature



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԼԱՅՈՒՆԻՍՏԱՆԻ ԿԱԶՄԻ ՍԵՐՎԻՍ

Signed by: GEVORGYAN HRACHYA 2014650144

Հ.ԳԵՎՈՐԳՅԱՆ

ԿԱՆՈՆԱԴՐՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶՊԵՏԻՆ ԱՌԸՆԹԵՐ ԵՐԻՏԱՍԱՐԴԱԿԱՆ ԽՈՐՀՐԴԻ

1. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության Արագածոտնի մարզպետին առընթեր երիտասարդական խորհուրդը (այսուհետ՝ խորհուրդ) խորհրդակցական մարմին է:
2. Խորհրդի գործունեությունն իրականացվում է Հայաստանի Հանրապետության օրենսդրությանը և խորհրդի կանոնադրությանը համապատասխան:
3. Խորհրդի ձևավորման ու գործունեության սկզբունքներն են՝
 - 1) ժողովրդավարությունը, թափանցիկությունը և հրապարակայնությունը.
 - 2) երիտասարդների շրջանում բազմակարծության և հավասար հնարավորությունների ապահովումը՝ անկախ քաղաքական կամ այլ հայացքներից, ազգային կամ կրոնական պատկանելությունից, սեռից, տարիքից կամ սոցիալական բնույթի այլ հանգամանքներից.
 - 3) երիտասարդական և ուսանողական կազմակերպությունների ներկայացուցիչների, երիտասարդական քաղաքականության և երիտասարդական աշխատանքի ոլորտի փորձագետների և հետազոտողների մասնակցությունը տեղերում որոշումների ընդունման գործընթացներին.
 - 4) տարածքային կառավարման, տեղական ինքնակառավարման մարմինների և ոչ պետական կազմակերպությունների համագործակցությունը և երիտասարդական քաղաքականության բնագավառում համակառավարման ապահովումը.

5) խորհրդի կազմի ձևավորման գործընթացում ներկայացուցչականության, արհեստավարժության և մասնագիտական գիտելիքների առաջնայնության ապահովումը:

II. ԽՈՐՀՐԴԻ ՆՊԱՏԱԿԸ, ԽՆԴԻՐՆԵՐՆ ՈՒ ԳՈՐԾԱՌՈՒՅԹՆԵՐԸ

4. Խորհրդի նպատակը Հայաստանի Հանրապետության Արագածոտնի մարզում և համայնքներում երիտասարդական քաղաքականության մշակմանն ու իրականացմանն աջակցելը և խթանելը, երիտասարդական քաղաքականության համակարգված, հասցեավորված ու նպատակային իրականացմանն աջակցելը, հանրային կյանքի տարբեր բնագավառներում երիտասարդների մասնակցությունը խթանելն ու երիտասարդական կազմակերպությունների գործունեությանը նպաստելն է:

5. Խորհրդի խնդիրներն ու գործառույթներն են՝

1) Հանրապետության Արագածոտնի մարզում երիտասարդական քաղաքականության արդյունավետության բարձրացումը, երիտասարդության հարցերին առնչվող պետական, մարզային և համայնքային մարմինների համագործակցության ապահովումը.

2) Հանրապետության Արագածոտնի մարզում երիտասարդական քաղաքականության գնահատումն ու Հայաստանի Հանրապետության Արագածոտնի մարզպետին (այսուհետ՝ Մարզպետ) համապատասխան առաջարկություններ ներկայացնելը.

3) երիտասարդությանն առնչվող հարցերի բնագավառում մարզային և համայնքային ծրագրերի քննարկումը, դրանց ֆինանսավորման անհրաժեշտության, ծավալների ու ձևերի վերաբերյալ առաջարկությունների մշակումը և դրանք ներկայացնելը, հանրային կյանքի տարբեր բնագավառներում երիտասարդների մասնակցության համար բարենպաստ մթնոլորտի ձևավորումը, երիտասարդական կազմակերպությունների գործունեության ընդլայնման և խրախուսման նպատակով տարբեր կազմակերպական, ծրագրային, ենթակառուցվածքային և այլ խնդիրների հայտնաբերումը և Մարզպետին համապատասխան առաջարկություններ ներկայացնելը.

4) երիտասարդներին առնչվող կրթական, սոցիալական, առողջապահական, բնապահպանական, իրավական և այլ խնդիրների քննարկումը և Մարզպետին առաջարկություններ ներկայացնելը.

5) երիտասարդության (այդ թվում՝ ազգային փոքրամասնությունների) հոգևոր և ֆիզիկական զարգացմանը, քաղաքացիական և ազգային գիտակցության բարձրացմանը, հայրենասիրական դաստիարակությանը, ազգային հոգևոր-մշակութային ժառանգությանն ու համամարդկային արժեքներին հաղորդակից

դարձնելուն, ավանդական բարոյական արժեքների քարոզչությանն ուղղված հասարակական նախաձեռնություններին և ծրագրերին, շնորհալի անհատ ստեղծագործողներին և արվեստագետներին աջակցելու մեխանիզմների ապահովմանը նպաստելը.

6) մարզում կատարվող երիտասարդական աշխատանքները գնահատելու և խթանելու նպատակով մրցանակաբաշխություն կազմակերպելն ու անցկացնելը, տարվա ընթացքում երիտասարդական քաղաքականության և երիտասարդական աշխատանքի ոլորտում լուրջ ներդրում ունեցած երիտասարդներին կամ երիտասարդական կազմակերպություններին տարբեր կարգի պարգևների, մրցանակների և պատվոգրերի շնորհման ներկայացնելը մարզպետին:

III. ԽՈՐՀՐԴԻ ԿԱԶՄՆ ՈՒ ԱՇԽԱՏԱՆՔԻ ԿԱԶՄԱԿԵՐՊՈՒՄԸ

6. Խորհրդի կազմում ընդգրկվում են Արագածոտնի մարզի բոլոր քաղաքային, ինչպես նաև 3500 և ավելի բնակիչ ունեցող համայնքների երկուական ներկայացուցիչ, որոնցից մեկը ներկայացնում է պետական, իսկ մյուսը՝ ոչ պետական հատվածը:

7. Խորհրդի պետական հատվածը ներկայացնող անդամը համայնքի ղեկավարի տեղակալն է, իսկ այդ հաստիքի բացակայության դեպքում՝ համապատասխան համայնքի աշխատակազմի ղեկավարը:

8. Խորհրդի ոչ պետական հատվածը ներկայացնող անդամը 16-30 տարեկան երիտասարդ է, որը համապատասխանում է հետևյալ չափանիշներին՝

1) երիտասարդներին առնչվող կրթական, սոցիալական, զբաղվածության, առողջապահական և մշակութային խնդիրներին տիրապետելը.

2) երիտասարդական կազմակերպություններում տարբեր ծրագրերին կամ միջոցառումներին մասնակցության փորձ.

3) երիտասարդական քաղաքականության բնագավառում միջազգային փորձի, պետական և հանրային կառավարման համակարգի, ծրագրերի մշակման, իրականացման և գնահատման առանձնահատկությունների իմացություն:

9. Հավասար պայմանների դեպքում որպես առավելություն են դիտվում երիտասարդական քաղաքականության բնագավառում իրականացված փորձագիտական աշխատանքները կամ հրապարակումները, ոչ ֆորմալ կրթության ոլորտի գիտելիքները և գործնական աշխատանքի փորձը:

10. Խորհրդի ոչ պետական հատվածը ներկայացնող անդամն առաջադրվում է համայնքի ավագանու կողմից՝ մրցութային կարգով, սույն կանոնադրության 8-րդ կետին համապատասխան չափանիշներով: Մարզպետի աշխատակազմի գլխավոր քարտուղարն ապահովում է մրցույթի վերաբերյալ հայտարարության գետեղումը մարզպետի աշխատակազմի պաշտոնական կայքէջում, իսկ համայնքի ավագանին՝ համապատասխան հայտարարություն է տեղադրում համայնքի տպագիր և

էլեկտրոնային զանգվածային լրատվության միջոցներում, ինչպես նաև իր վարչական շենքում հայտարարությունների համար նախատեսված տեղում:

11. Նշված չափանիշները բավարարող թեկնածու չլինելու դեպքում խորհրդի ոչ պետական հատվածը ներկայացնող անդամը կարող է առաջադրվել համայնքի ավագանու կազմից՝ ինքնաառաջադրման սկզբունքով, սույն կանոնադրության 8-րդ կետին համապատասխան չափանիշներով: Համապատասխան թեկնածու չլինելու դեպքում տվյալ համայնքից խորհրդի ոչ պետական հատվածը ներկայացնող անդամ է ընտրվում ավագանու՝ տարիքով ամենաերիտասարդ անդամը:

12. Խորհրդի անհատական կազմը հաստատում է Մարզպետը՝ մարզպետի աշխատակազմի գլխավոր քարտուղարի ներկայացմամբ:

13. Խորհրդի նախագահը Մարզպետն է: Խորհուրդն ունի քարտուղար, որն ընտրվում է խորհրդի ոչ պետական հատվածը ներկայացնող անդամներից:

14. Խորհրդի նիստերը գումարվում են խորհրդի նախագահի կողմից՝ ոչ ուշ, քան յուրաքանչյուր երեք ամիսը մեկ անգամ: Խորհրդի նիստ կարող է գումարվել նաև ըստ անհրաժեշտության՝ խորհրդի անդամների առնվազն 1/3-ի առաջարկությամբ:

15. Խորհրդի նիստերը նախագահում է խորհրդի նախագահը: Խորհրդի նիստերի արձանագրությունները և որոշումներն ստորագրում են խորհրդի նախագահը և խորհրդի քարտուղարը: Խորհրդի գործունեությանն առնչվող փաստաթղթերն ու որոշումները հրապարակվում են մարզպետի աշխատակազմի կայքէջում: Խորհրդի գործունեությունը լուսաբանվում է զանգվածային լրատվության միջոցներով և համացանցով:

16. Խորհրդի նիստերն իրավագոր են, եթե դրանց մասնակցում է խորհրդի անդամների առնվազն 2/3-ը: Խորհրդի որոշումներն ընդունվում են բաց քվեարկությամբ՝ նիստին ներկա անդամների ձայների պարզ մեծամասնությամբ: Նիստին ներկա անդամների առնվազն 2/3-ի պահանջով կարող է անցկացվել փակ քվեարկություն:

17. Խորհրդի որոշումների հիման վրա, ըստ անհրաժեշտության, Մարզպետի կողմից սահմանված կարգով կարող են ընդունվել համապատասխան որոշումներ կամ տրվել համապատասխան հանձնարարականներ:

18. Խորհրդի նիստերին ի պաշտոնե մասնակցում է մարզպետի աշխատակազմի երիտասարդության հարցերը համակարգող համապատասխան աշխատողը՝ խորհրդակցական ձայնի իրավունքով: Խորհրդի նիստերին հասարակական հիմունքներով կարող են հրավիրվել ոլորտի պետական լիազոր մարմնի ներկայացուցիչներ, մարզային և համայնքային մարմինների, գիտական և բարձրագույն ուսումնական հաստատությունների, պետական և ոչ պետական կազմակերպությունների, զանգվածային լրատվության միջոցների ներկայացուցիչներ և այլ անձինք:

19. Խորհուրդն իր աշխատանքներն առավել արդյունավետ դարձնելու նպատակով կարող է ընդունել աշխատակարգ, հասարակական հիմունքներով ձևավորել

աշխատանքային խմբեր և այդ խմբերում ընդգրկել խորհրդի անդամ չհանդիսացող անձանց:

20. Խորհրդի նախագահը՝

- 1) հրավիրում և վարում է խորհրդի նիստերը.
- 2) ապահովում է խորհրդի որոշումների կատարումը:

21. Խորհրդի քարտուղարը՝

- 1) նախապատրաստում է խորհրդի նիստի օրակարգը, կազմում արձանագրությունը.
- 2) խորհրդի նիստերի միջև ընկած ժամանակահատվածում օգնում է խորհրդի անդամներին ընթացիկ գործերում, ապահովում է գործավարությունը:

22. Խորհրդի անդամն իրավունք ունի՝

- 1) խորհրդի նիստում հանդես գալու խորհրդի խնդիրներին ու գործառույթներին վերաբերող առաջարկություններով.
- 2) քննարկվող հարցի վերաբերյալ հանդես գալու հատուկ կարծիքով, որը կցվում է նիստի արձանագրությանը.
- 3) դիմելու Մարզպետին՝ խորհրդի կազմից դուրս գալու խնդրանքով:

23. Խորհրդի անդամը կարող է քննարկվող հարցերի վերաբերյալ տալ բանավոր կամ գրավոր եզրակացություններ, մշակել հաշվետվություններ, զեկույցներ, առաջարկներ և այլ փաստաթղթեր:

24. Խորհրդի անդամի լիազորությունները վաղաժամկետ դադարում են՝

- 1) իր դիմումի համաձայն.
- 2) խորհրդի նիստերից երեք անգամ անընդմեջ անհարգելի բացակայության դեպքում՝ խորհրդի որոշմամբ.
- 3) իր պարտականությունները կատարելու առումով անհաղթահարելի խոչընդոտներ առաջանալու դեպքում:

IV. ԽՈՐՀՐԴԻ ԳՈՐԾՈՒՆԵՈՒԹՅԱՆ ԺԱՄԿԵՏՆԵՐԸ ԵՎ ԱՆՀԱՏԱԿԱՆ ԿԱԶՄԻ ՀԱՄԱԼՐՈՒՄԸ

25. Խորհուրդը ձևավորվում է 2 տարի ժամկետով:

26. Խորհրդի լիազորությունների ժամկետը լրանալուց հետո նոր խորհուրդը կազմավորվում է համաձայն սույն կանոնադրության դրույթների:

27. Խորհրդի անհատական կազմը համալրվում է Մարզպետի կողմից՝ սույն կանոնադրությամբ նախատեսված ընթացակարգով:

ՀՀ Արագածոտնի մարզպետի աշխատակազմի

գլխավոր քարտուղար՝

 Recoverable Signature

X 

ՀՐԱՅԱ ԳԵՎՈՐԳՅԱՆ

Signed by: GEVORGYAN HRACHYA 2014650144

Հ. ԳԵՎՈՐԳՅԱՆ

